



Republika e Kosovës
Republika Kosova
Republic of Kosovo



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbalit i MBLEDHJES SË KUVENDIT KOMUNAL SKENDERAJ,
i datës 07.04.2026, ora 10:00

REND DITE

1. Fjala hyrëse,
2. Miratimi i rendit të ditës,
3. Shqyrtimi i procesverbalit nga mbledhja e kaluara,
4. Propozim - Vendim për miratimin e raportit përfundimtar nr.09-020/01-0010900/26, i datës; 26.03.2026, i hartuar nga komisioni komunal për vlerësimin e dëmeve si pasojë e vërshimeve për muajin janar 2026, dëme të shkaktuara në bujqësi, ekonomi familjare, biznese dhe vetura në territorin e Komunës së Skenderajt, në vlerë totale 532,666.96 Euro,(raporton Kryetari i Komisionit z. Hajzer Shala),
5. Propozim - Vendim për miratimin e raportit përfundimtar nr.06-325/04-0011275/26, i datës; 30.03.2026, i hartuar nga komisioni komunal për vlerësimin e dëmeve të shkaktuara në infrastrukturë publike si pasojë e vërshimeve të muajit janar 2026, në territorin e Komunës së Skenderajt, në vlerë totale 2,014,930.00 Euro,(raporton Kryesuesja e Komisionit znj. Sanije Ahmeti),
6. Propozim – Vendim për rishqyrtimin e Vendimit të Kuvendit nr. 01-020/01-008208/26, të datës; 03.03.2026, të miratuar në mbledhjen e Kuvendit Komunal të Skenderaj të datës; 27.02.2026, përkitazi me procedurën e formimit të komitetit për politik dhe financa,(raporton Kryesuesja e Kuvendit znj. Adelina Spahiu – Alija),
7. Pyetjet e këshilltarëve nën piken të ndryshme.

Kryesuesja e Kuvendit, Adelina Spahiu – Alija : Përshëndetje i nderuar Kryetar i Komunës së Skenderajt z. Sami Lushtaku, i nderuari Nënkryetar z. Fadil Nura, te nderuar përfaqësues të OSBE-së, Mapl, anëtar të Kuvendit, drejtor të drejtorive, dhe ju të gjithë të pranishmit, të pranishëm në sallë i kemi 24 anëtar, mungon me arsye Armir Sejdiu, mungon me arsye Kushtrim Dragaj, mungon me arsye Abdullah Gashi, vazhdojmë me piken e radhës miratimi i rendit të ditës e hap diskutimin, pasi nuk ka për diskutim, shkojmë me votim, konstatojmë se me 18 vota për, 0 kundër dhe 2 abstenime miratohet rendi i ditës, vazhdojmë me piken e radhës shqyrtimi i procesverbalit nga mbledhja e kaluar, e hap diskutimin, pasi që nuk ka për diskutim shkojmë me votim, konstatojmë se me 24 vota për, 0 kundër dhe 0 abstenim miratohet procesverbalit nga mbledhja e kaluar, vazhdojmë me piken e 4 Propozim - Vendim për miratimin e raportit përfundimtar nr.09-020/01-0010900/26, i datës; 26.03.2026, i hartuar nga komisioni komunal për

vlerësimin e dëmeve si pasoj e vërshimeve për muajin jaran 2026, dëme të shkaktuara në bujqësi, ekonomi familjare, biznese dhe vetura në territorin e Komunës së Skenderajt, ne vlerë totale 532,666.96 Euro,(raporton drejtori i shërbimeve publike z. Arber Geci).

Arber Geci DSHP - Përshëndetje për të gjithë, i nderuari Kryetar, Nënkyetar dhe ju të gjithë te pranishmit, ne bazë te rregullores nr 17/2015 për metodologjinë e vlerësimit te dëmeve nga fatkeqësitë natyrore, sipas kërkesave te qytetareve te dëmtuar nga dëmet e shkaktuara te muajit janar 2026, komisioni i formuar me vendim te Kryetarit te Komunës ka pranuar te gjitha kërkesat e qytetareve ka dal ne teren ku kanë qenë 159 kërkesa te dëmeve ne ekonomi familjare, 75 dëme fermerëve ne bujqësi 15 dëme ne bujqësi dhe 10 vetura qe gjithsej 259 ne total janë refuzuar 58, nga demet me te mëdha janë ne ekonomi familjare dhe bujqësi ju rekomandoj qe ta miratoni e me pastaj te dërgohen ne AME për procedura te mëtutjeshme, nëse keni pyetje jam i gatshëm për përgjigjeje.

Kryesuesja e Kuvendit, Adelina Spahiu – Alija : Faleminderit drejtor, e hap diskutimin.

Afrim Kabashi, NSD - Faleminderit Kryesuese, përshëndetje për të gjithë, unë besoj se komisioni e ka kry punën e vete mire, çdo pune te mire qe është ne dobi te qytetarëve e kam përkrah dhe do ta përkrahi, vota ime është pro këtij propozimi.

Nezir Bejta, LVV – Faleminderit Kryesuese, përshëndetje për të gjithë, kisha kërkuar një sqarim lidhur me këto data ne raport te urbanizmit, bazuar ne komisionin e datës 18.12.2025 për vlerësimin e dëmeve si pasoj e vërshimeve te datës 06.01.2026, pse ky komision është formuar para se te ndodhin vërshimet, pastaj shihet se këto raporte janë te pa detaizune, kush janë te dëmtuar, pak ka informata lidhur me këto propozim – vendime.

Kryesuesja e Kuvendit, Adelina Spahiu – Alija : Prof ky raport qe po e përmend është, pikë tjetër e rendit te ditës.

Nezir Bejta, LVV –Ne rregull, mirëpo shihen propozime raporte jo te detaizuara mire, nuk ka te dhëna qe sqarojnë saktë, pastaj një arë është këtu tek raporti i infrastrukturës kisha kërku sqarim, pastaj tek lumi klina ka dallim tek vlera e vlerësimit te demit, ne këtë raport shihet se është vlerësuar me pak kur e dimë sa është bere dëme, pastaj ne liste ka qene palestra Ilaz Kodra si e vërshuar e e dimë se atë pjese nuk ka qene e vërshuar.

Arber Geci, DSHP – Prof Ligji për mbrojtjen e te dhënave personale nuk kemi te drejte te publikojmë te dhënave personale dhe nuk është praktikuar as me herët qe te publikohen te dhënat personale.

Hysni Mehani, LVV – Përshëndetje për të gjithë, profa i trajtoj te dy rastet pasi qe si fenomen është i njëjtë, ky raport ka qene dashur te jete me i detajuar me i kompletuar, nuk është ajo çfarë tha drejtori se nuk na lejoj ligji për mbrojtjen e te dhënave personale, sepse unë për çështjet e natyrës se njëjtë kam kërkuar qasje ne dokumente në AME dhe me i kanë ofruar te kompletuar me te dhëna raportin e dëmeve, prandaj nuk këtu nuk ka transparenc fare, pse po i fshehni këto raporte me te dhëna.

Nënkyetari z. Fadil Nura –Faleminderit Kryesuese, përshëndetje për të gjithë, vetëm sa për sqarim shtese autoritet i vetëm për vlerësim te këtyre raporteve te komisionit për vlerësim te dëmeve është vetëm AME-ja, ata munden me kerku dokumente shtese, me ardh vete ne vende ku janë vërshuar nga fatkeqësitë natyrore, ndërsa tek çështja se pse është vlerësuar me pak kësaj here demi tek lumi klina qendror ne atë sepse kemi investuar ne atë pjese dhe për këtë arsye janë demet me te vogla kësaj here.

Kryesuesja e Kuvendit, Adelina Spahiu – Alija: Faleminderit, pasi qe nuk kemi tjerë për diskutim ne lidhur me këtë propozim – vendim, konstatojmë se me 19 vota për, 0 kundër dhe 4 abstenim miratohet Propozim - Vendim për miratimin e raportit përfundimtar nr.09-020/01-

0010900/26, i datës; 26.03.2026, i hartuar nga komisioni komunal për vlerësimin e dëmeve si pasojë e vërshimeve për muajin jaran 2026, dëme të shkaktuara në bujqësi, ekonomi familjare, biznese dhe vetura në territorin e Komunës së Skenderajt, ne vlerë totale 532,666.96 Euro, vazhdojmë me piken e radhës, Propozim - Vendim për miratimin e raportit përfundimtar nr.06-325/04-0011275/26, i datës; 30.03.2026, i hartuar nga komisioni komunal për vlerësimin e dëmeve të shkaktuara në infrastrukturë publike si pasojë e vërshimeve të muajit jaran 2026, në territorin e Komunës së Skenderajt, ne vlerë totale 2,014,930.00 Euro,(raporton Kryesuesja e Komisionit znj. Sanije Ahmeti).

Sanije Ahmeti, Kryesuese e komisionit – Faleminderit Kryesuese, përshëndetje për të gjithë, sa i përket gabimit ne raport qe e ngritët e kemi rregulluar ka qene gabim teknik, mirëpo nuk qenka këtu ne material nuk e di pse, ndërsa sa i përket këtij raporti, komisioni i zgjedhur me vendim te kryetarit ka trajtuar te gjitha kërkesat për dëme ne infrastrukturë publike ka dale ne teren dhe i ka vlerësuar, vlera totale e dëmeve ne infrastrukture publike është 2.014., 930.00€, te gjitha i keni ne material raportin si dhe listën e kërkesave te qytetareve, nëse keni pyetje jam për tu përgjigjur.

Afrim Kabashi, NSD - Faleminderit Kryesuese, ne raport shihet se i mungojnë numrat e telefonit si dhe te dhënat tjera personale te paraqitsave te kërkesave.

Nezir Bejta, LVV – Po e përsëriti prape pse këtu tek raporti i infrastrukturës publike është futur një arë është ndonjë gabim apo çfarë.

Sanije Ahmeti, Kryesuese e komisionit – Për çështje te arës, është ceduar nga bujqësia dhe e ka vlerësuar nga komisioni.

Kryesuesja e Kuvendit, Adelina Spahiu – Alija: Pasi qe tjerë nuk ka për te diskutuar, shkojmë ne votim, konstatojmë se me 19 për , 0 kundër dhe 4 abstenim, miratohet Propozim - Vendim për miratimin e raportit përfundimtar nr.06-325/04-0011275/26, i datës; 30.03.2026, i hartuar nga komisioni komunal për vlerësimin e dëmeve të shkaktuara në infrastrukturë publike si pasojë e vërshimeve të muajit jaran 2026, në territorin e Komunës së Skenderajt, ne vlerë totale 2,014,930.00 Euro, vazhdojmë me piken e radhës Propozim – Vendim për rishqyrtimin e Vendimit të Kuvendit nr. 01-020/01-008208/26, të datës; 03.03.2026, të miratuar në mbledhjen e Kuvendit Komunal të Skenderaj të datës; 27.02.2026, përkitazi me procedurën e formimit të komitetit për politik dhe financa, për këtë propozim raporton Kryesuesja unë ne këtë raste, propozim – vendimi ka te bejë me rishqyrtimin e vendimit lidhur me formimin e komitetit për politik dhe financa i miratuar me datën 27.02. 2026 ku MAPL ka kërkuar qe te respektohet kuota gjinore duke zëvendësuar një nga gjina mashkullore me femërore, andaj kërkoj qe ta bëjmë këtë zëvendësim, e hap diskutimin.

Alban Berisha, PDK – Faleminderit Kryesuese, përshëndetje për të gjithë, ne bazë të rekomandimeve të MAPL-së qe do ta respektojmë pavarësisht se është vlerësim politik por ne do ta respektojmë, propozoj qe ta zëvendësojmë Dardan Shalen me Arlinda Halili ne mënyrë qe ta funksionalizojmë kpf, faleminderit.

Kryesuesja e Kuvendit, Adelina Spahiu – Alija: Faleminderit Alban, si procedurë na u duhet te shkojmë ne votim për largimin e Dardan Shales nga kpf, konstatojmë se me 16 për, 0 kundër dhe 0 abstenim miratohet largimi i Dardan Shales nga kpf-ja, shkojmë ne votim për hyrjen ne kpf te Arlinda Haliti, konstatojmë se 19 për, 0 kundër dhe 0 abstenim Arlinda Haliti merr votat e mjaftueshëm për te qene pjesë e kpf-së, tash shkojmë me votim ne tersi te propozim vendimin per rishqyrtimin e vendimit për formimin e kpf, konstatojmë se me 21 vota për, 0 kundër dhe 0 abstenim miratohet Propozim – Vendim për rishqyrtimin e Vendimit të Kuvendit nr. 01-020/01-008208/26, të datës; 03.03.2026, të miratuar në mbledhjen e Kuvendit Komunal të Skenderaj të

datës; 27.02.2026, përkitazi me procedurën e formimit të komitetit për politik dhe financa, vazhdojmë me piken e radhës Pyetjet e këshilltarëve nën piken të ndryshme.

Arlinda Haliti, PDK –Faleminderit Kryesuese, përshëndetje për të gjithë po i lexoj pyetjet e parashtruara për këtë seancë Pyetje ime e parë është për drejtorin e DSHP-së, z.Arbër Geci. I nderuar drejtor, pyetja ime ka të bëjë me ndriçimin në rrugën “Azem Bejta”. Mungesa e ndriçimit si dhe mosfunksionimi i semaforëve në atë rrugë që sa herë po sjellë aksidente që fatkeqësisht po përfundojnë me fatalitet. Rastin më të freskët e kemi atë të datës 17 mars që për pasojë pati vdekjen e një këmbësori teksa po kalonte rrugën. E di që ndriçimi në këtë rrugë nuk është në kompetencë të komunës, por ajo që po më intereson është nëse e keni adresuar si kërkesë në ministrinë përkatëse që të ketë veprime konkrete në mënyrë që të parandalohen aksidentet, dhe qytetarëve që banojnë ose kalojnë nga ajo lagje t’u ofrohet siguria e nevojshme. Pyetja ime e dytë është për drejtorin e DKA-së, z.Kastriot Duraku. Drejtor, këto ditë nga disa nxënës të gjimnazit “Hamëz Jashari” kam pranuar një shqetësim. Kabineti për lëndët kimi dhe biologji si dhe kabineti i lëndës së fizikës janë ende pa banka dhe pa karriga, dhe kësaj mbajtja e pjesës praktike të këtyre lëndëve po bëhet e pamundur, gjë që e lë të mangët mësimnxënien. E di që kontrata ka skaduar, por kur pritet që të keni një kontratë aktive, kur supozohet që kabinetet të pajisen me banka dhe karriga në mënyrë profesorët dhe nxënësit e kësaj shkolle të fillojnë ta zhvillojnë praktikën. Faleminderit

Arber Geci, DSHP – Faleminderit për pyetjet Arlinda, ke punu ne Komunë e dinë se për semaforë kompetencë është ministria, dhe Komuna vazhdimisht ka bere kërkesë për semaforë ne Ministri, mirëpo po e neglizhojnë e po na ndodhin aksidente me fatalitet në atë pjesë, do te bënte zgjedhje te rregullohet rreth rrotullim e qe o presim nga ta pasi qe është kompetencë e tyre.

Kastriot Duraku, DKA- Faleminderit për pyetjet, furnizimi me inventar ajo kontrate është ne procedurë ne AQP, mirëpo ne gjate pushimit ne Shkolla e kemi fornizuar Gjimnazin me banka dhe karriga ne klasat ku ka pasur mungesë.

Nezir Bejta, LVV- Faleminderit Kryesuese, përshëndetje për të gjithë, po i lexoj pyetjet e parashtruara për këtë seancë Për: ekzekutivin e komunës Si e arsyeton ekzekutivi i komunës së Skenderajt lidhjen e një kontrate 35-vjeçare për ndërtimin e stacionit të autobusëve në tokën komunale, ku kompania private përfiton 70% të tarifave të operimit, ndërsa komuna vetëm 30%, pa marrë qira për tokën dhe pa përfituar asgjë nga lokalet e shumta brenda stacionit të autobusëve? A nuk e konsideron ekzekutivi se një marrëveshje e tillë e dëmton interesin publik dhe pronën komunale, dhe mbi çfarë analize financiare është marrë ky vendim? Sipas llogaritjeve të komunës sa është përfitimi vjetor i komunës për dhënien e kësaj prone?

Nënkryetari z. Fadil Nura – Faleminderit Kryesuese, e pash si te nevojshme ti japi disa sqarime sa i përket pyetjeve të profës, sa i përket stacionit te autobusëve e dimë se ne çfarë gjendje kemi qene deri tash, nuk kemi pasur stacion fare, tash kemi një stacion modern pa investu Komuna asnjë cent në të, asnjë investitor nuk vije me investu atu pa e pasur një llogari, duke e dite se aj atu ka me i mbulu komplet shpenzimet si te rrymës, ujit, stafit atu, e qe po besoj si për komunën do ishte një barre e madhe një investim i tillë diku 2 milion Euro si dhe mbulimi i këtyre shpenzimeve, prandaj ne seancën e radhës do ju vije plotësim ndryshimi i rregullores për taksa, ngakesa dhe gjoba qe do te caktohen tarifa te reja për linje te autobusëve qe Komuna do te inkasoj 30% nga ato pagesa.

Nezir Bejta, LVV- Nënkryetar, stacioni pa dyshim se është projekt i mire askush nuk po e konteston, mirëpo duhet ta dimë vlerën e asaj prone e qe duhet te hynë ne 30% edhe nga lokalet sepse nga linjat e autobusëve pak .

Nënkryetari z. Fadil Nura – Prof prona është dhënë ne afat te caktu, nuk është shitur prona, për komunën ka qene barre e madhe një investim i tillë, 30% e merr Komuna atu pa investuar asnjë cent atu.

Burim Veliu, PDK- Faleminderit Kryesucese, përshëndetje për të gjithë për këtë seancë kam parashtruar këto pyete **Drejtuar:** Drejtorit të Drejtorisë së Shërbimeve Publike

Lënda: Kërkesë për intervenim në rregullimin e kanalizimit në fshatin Polac, lagjja Veliu dhe kryqëzimi pranë Xhamisë në rr. “Mulla Brahim Polaci”

I nderuar Drejtor,

Në cilësinë time si anëtar i Kuvendit Komunal të Skenderajt, njëkohësisht edhe banor i fshatit Polac, po ju drejtohem me këtë kërkesë bazuar në shqetësimet e vazhdueshme të banorëve të kësaj zone lidhur me problemet e kanalizimit.

Konkretisht, kërkoj nga Drejtoria e Shërbimeve Publike që të ndërmarrë veprimet e nevojshme për rregullimin e sistemit të kanalizimit në lagjen Veliu, ku ujërat e zeza rrjedhin vazhdimisht mbi rrugë. Ky problem është i kahershëm dhe po shkakton shqetësim të madh për banorët, duke paraqitur njëkohësisht rrezik serioz për higjienën dhe shëndetin publik.

Po ashtu, shqetësuese mbetet edhe gjendja në kryqëzimin pranë Xhamisë në rrugën “Mulla Brahim Polaci”, ku gjithashtu ka rrjedhje të kanalizimit mbi rrugë, duke përkeqësuar situatën për banorët dhe kalimtarët.

Duke pasur parasysh rëndësinë e këtij problemi për komunitetin lokal, kërkoj që drejtoria përkatëse të realizojë një inspektim të gjendjes në terren dhe të ndërmarrë masat e nevojshme për zgjidhjen sa më të shpejtë të tij.

Gjithashtu, ju lutem të na informoni nëse është planifikuar realizimi i këtij projekti, si dhe për afatet e mundshme të fillimit dhe përfundimit të rregullimit të kanalizimit në këtë pjesë, në mënyrë që banorët të kenë një pasqyrë të qartë për zgjidhjen e këtij problemi.

Drejtuar: Drejtorit të Drejtorisë së Shërbimeve Publike

Lënda: Kërkesë për ndërhyrje ndaj deponisë ilegale në lagjen Veliu

I nderuar Drejtor i Drejtorisë së Shërbimeve Publike,

Dëshiroj të ju drejtohem lidhur me një shqetësim serioz të ngritur nga banorët e lagjes Veliu.

Në këtë zonë është krijuar një deponi ilegale, ku individë dhe kompani të ndryshme janë duke hedhur mbeturina në mënyrë të pakontrolluar. Po ashtu, kjo hapësirë më herët është shfrytëzuar nga fëmijët për aktivitete sportive, ku kanë luajtur futboll dhe volejball. Kjo situatë po shkakton ndotje të konsiderueshme të mjedisit, rrezik për shëndetin publik si dhe po cenon rëndë cilësinë e jetës së banorëve të asaj lagjeje.

Duke marrë parasysh rëndësinë e këtij problemi, ju lus që të ndërmerrni masa urgjente për:

- Pastrimin e menjëhershëm të kësaj deponie ilegale;
- Identifikimin dhe ndëshkimin e personave dhe subjekteve përgjegjëse;
- Vendosjen e mekanizmave parandalues për të shmangur përsëritjen e rasteve të tilla në të ardhmen.

Jam i gatshëm të bashkëpunoj dhe të kontribuoj në çdo formë për zgjidhjen sa më të shpejtë të këtij problemi.

Faleminderit për mirëkuptimin dhe pres angazhimin tuaj në këtë çështje

Drejtuar: Drejtorisë së Arsimit dhe Drejtorisë së Shërbimeve Publike

Lënda: Propozim për lidhjen e një memorandumit bashkëpunimi ndërmjet komunës, shkollave profesionale dhe bizneseve lokale

I nderuari z. Duraku dhe i nderuari z. Geci,

Në cilësinë time si anëtar i Kuvendit Komunal të Skenderajt, kam kënaqësinë të paraqes këtë propozim për inicimin e një memorandumi bashkëpunimi ndërmjet Drejtorisë së Arsimit, Drejtorisë së Shërbimeve Publike dhe bizneseve lokale.

Qëllimi i këtij bashkëpunimi është angazhimi i nxënësve të shkollave profesionale në kuadër të praktikës mësimore, në prodhimin dhe rregullimin e elementeve të ndryshme për hapësirat publike të komunës, si: shporta për mbeturina, ulëse për parqe dhe elemente të tjera funksionale për rregullimin e parqeve dhe ambienteve publike.

Gjithashtu, jam i informuar se Drejtoria e Arsimit, ndër vite, ka zhvilluar marrëveshje bashkëpunimi me institucione publike dhe private për realizimin e praktikës profesionale të nxënësve në profile të ndryshme, gjë që paraqet një bazë të mirë për zgjerimin e këtij bashkëpunimi edhe në këtë drejtim.

Sipas këtij modeli, bizneset lokale do të kontribuonin me sigurimin e lëndës së parë, ndërsa nxënësit do të realizonin produktet në kuadër të praktikës profesionale. Njëkohësisht, bizneset kontribuese do të mund të përfitojnë promovim përmes vendosjes së elementeve identifikuese apo reklamuese në produktet e realizuara.

Përfitimet nga realizimi i këtij bashkëpunimi do të ishin:

1. Nxënësit e shkollave profesionale fitojnë përvojë praktike dhe aftësi profesionale të dobishme për tregun e punës.
2. Komuna përmirëson dhe pasuron hapësirat publike me elemente funksionale për qytetarët.
3. Bizneset lokale promovohen dhe kontribuojnë drejtpërdrejt në zhvillimin e komunitetit.
4. Forcohet bashkëpunimi ndërmjet arsimit profesional dhe sektorit privat, duke krijuar një model të qëndrueshëm për të ardhmen.

Duke marrë parasysh rëndësinë e këtij bashkëpunimi, propozoj që Drejtoria e Arsimit dhe Drejtoria e Shërbimeve Publike, në koordinim me bizneset lokale, të shqyrtojnë mundësinë e hartimit dhe implementimit të këtij memorandumi bashkëpunimi.

Arber Geci, DSHP – Faleminderit Burim për pyetjet, punët e para si kam ardhur drejtor, i kam identifikuar te gjitha deponit ilegale, e jemi në vazhdimësi duke punuar në eliminimin e këtyre deponive, edhe në lagjen Veliu i kemi në proces të trajtimit të gjitha deponit.

Kastriot Duraku, DKA- Faleminderit për pyetjet Burim, jemi në implementim të marrëveshjeve të bizneseve me nxënës të Shkollave tona, në vazhdimësi kemi marrëveshje të tilla.

Kryesuesja e Kuvendit, Adelina Spahiu – Alija: Pasi që veç i trajtuam të gjitha pikat e rendit të ditës, i mbylli punimet e kësaj seance, faleminderit.

Procesmbajtësi

